

長樂縣志卷之四

沿革志

封建易爲郡縣自秦已然後世又有以功受封而世其官並世其地者土司是也土司雖如外夷朝廷不過羈縻之然受朝廷之節制完糧賦而不食俸祿聽征調而不用軍餉則世其官世其地也固宜但其中亦有因故而罷其世襲改設流官者至如遷徙舊封買管他所數百年因鄰封之變遂並改土者未之恒有長樂古爲長陽地禹貢荆梁之域秦漢以來皆入版籍者也通志載元以前爲蠻荒地明初始置五峯

長樂縣志

卷之四

沿革志

一

深溪石寶石梁下洞平茶水澁源通塔坪各長官似有未確觀容美土司田舜年世述錄稱其皆爲元夏間之土官張氏家乘稱其祖由劔南落籍於西蜀之石寶寨徙五峯其祖於唐憲宗元年隨高崇文討劉關有功封爲土司與鶴峯州志所載田行臯事相符水澁唐氏墓誌稱其祖唐進寶由四川徙居水澁園爲土官又按世述錄及張氏家乘載張世瑛買管長陽之崇德鄉水澁司買管長陽之安寧鄉上三甲長茅司指揮一員原係長陽設以彈壓土官者後爲田土司所并殺其官覃嘉祉而有其地查長陽縣志雖

未詳其事要而論之昔之五峯石寶等地不在今之樂邑今樂邑之地多爲土司買管長陽之地雍正十三年改土後又撥長陽石門松滋枝江宜都五縣等地以益之者也世述錄以統轄紀其屬員張氏家乘等誌以子孫紀其宗派諒爲可據今依之而列五峯司於前水澆石梁於後並紀其屬官而其司有未詳其目及承襲年代未明者亦畧而存之以見易土爲流之所自云志沿革

按長樂縣古長陽地夏禹爲荆梁之域商爾雅漢南爲荆楚地周亦爲楚地是爲南土秦屬黔中漢

屬佷山隸武陵郡後漢隸南郡三國建安十五年先屬蜀昭烈帝分南郡爲宜都郡後帝時仍屬吳晉宋齊屬佷山隸宜都郡梁屬江州西魏屬佷山縣隸拓州北周屬亭州隸資田郡今資坵隋屬睦州隸南郡唐屬長陽武德二年改江州四年又屬睦州廢清江郡大業屬東松州旋屬南郡貞觀八年屬峽州彝陵郡五代屬南平峽州宋屬長陽元屬長陽隸峽州路元末土司卽錯處長茅關菩提隘西南隸容美歸四川管轄明屬長陽隸峽州府後隸彝陵州土司歸湖廣管轄糧仍完於長陽天

啟後百年關以西屬土司隸容美

國初亦然隸彝陵州後隸荊州府雍正十三年改土  
升彝陵州爲宜昌府再撥長陽石門等處地以設  
縣而隸宜昌府焉

容美宣撫司領長官司四曰椒山瑪瑙曰五峯石寶

長陽志  
誤作室

曰石梁下洞曰水澆

長陽志  
作澆

源通塔坪明太

祖以容美宣撫使田光寶爲四川行省參政容美洞  
等處軍民宣撫司事仍爲置安撫元帥以制之旋改  
容美爲黃沙靖安麻寮等宣撫司並立太平臺宜麻  
寮等十塞長官司又改宣撫司爲長官以光勝爲長

長樂縣志

卷之四

沿革志

三

官洪武十八年蠻苗作亂諸土司地多荒廢長官亦  
罷承襲永樂間石梁下洞椒山瑪瑙水澆源通三長  
官司隸容美 長陽縣志

按椒山瑪瑙卽今鶴峯州劉家司地石梁司今屬

長樂縣地

鶴峯  
州志

按古有五溪蠻洞容美爲柘溪自漢唐以來承襲  
千百餘年三國魏志載夏侯尙爲荊州牧自上庸

今竹山

通道西行七百餘里山民蠻夷多服從者

南郡諸縣山谷蠻夷詣尙請降又三國蜀志章武

二年壬寅春二月先主自秭歸

今歸州

率諸將進軍

緣山截嶺於夷道今宜都獠亭駐營自佷山今長陽通

武陵今常德府武陵縣遣侍中馬良安慰五谿蠻夷咸相

率響應又吳志云陸遜昌蒙克公安南郡徑進領

宜都太守蜀漢宜都太守委郡走長吏及蠻夷君

長皆降隋書郭榮傳大業三年黔安首領田羅駒

阻清江作亂爲土司猖狂之始元史泰定三年丙

寅夏四月容美洞蠻田先什用等結十二洞蠻寇

長陽縣湖廣行省遣九姓長官彭忽郡不花招之

田先什用等五洞降餘發兵討之武宗三年庚戌

夏四月容美洞官田墨糾合蠻首數千戶及戍卒

八千餘人俘掠良民順帝十年立四川容美軍民  
府總管天順元年容美田潮美以子保富代容美  
貢馬及香奏獲鎮南軍民府古印卽始祖田開照  
頒給巡撫劉懋條議以荊州去施州衛遠不便巡  
歷不果明史太祖卽吳王位飭容美洞宣撫使田  
光寶遣弟光受等以元所受宣撫勅印來上命光  
寶爲四川行省參政行容美等處軍民宣撫司事  
仍置安撫元帥治之又曹震請討容美散毛諸洞  
蠻不許曹良臣從伐蜀克歸州山寨取桑植容美  
諸土司永順保靖桑植容美爲四大土司而容美

最强鶴峯長陽二州縣志今

美司事而五峯等司事在其中 土官唐鎮邦乘闖

獻之亂率蠻獠攻掠長陽縣長陽志崇禎十二年容

美田元疏言穀賊復叛調用土兵糧馬前行突有

悍軍鄧羅昌等憚於征調計圖脫伍勾引譚正賔

誓結七十二村鳩銀一萬七千兩賄囑巴東知縣

蔡文陞狗護反以逼民從軍之文詳報時寇盜充

斥亦不復問矣

國朝定鼎初以荒徼蠢蠻置之度外以示懷柔康熙十

三年滇藩吳三桂兵起容美負固懷二遙爲聲援

長樂縣志

卷之四

沿革志

五

聖祖仁皇帝曲賜矜全西南平定仍予世襲康熙四十七

年田舜年揭子昞如貪庸暴戾準其另襲明如遂

由通州州同改調承襲土職阻險自雄雍正癸卯

施南土司覃禹鼎覃楚昭肆行不法覃字祥赴恩

施出首禹鼎楚昭皆容美婿收納護庇不容州縣

拘審總督列欵參奏令其來京訊問容美自知逆

迹昭著潛入萬全洞與其腹黨謀脅土衆以拒官

兵時五峯深溪長陽志土司張彤桂首先倡眾歸

化以致土眾倒戈擒其私黨容美投縲雍正十三

年案始定改土歸流添設長樂鶴峯一州一縣長陽志

洪武二十年命仇成爲征南副將軍平容美古洞史  
土司曾受吳三桂僞封故邑中至今尙藏有昭武  
利用錢

相傳彝陵鎮總兵冶大雄微時販馬至容美司爲  
尙主所窘辱後鎮彝陵數構之以致制府列欵糾  
叅然閱桑植縣志當雍正五年桑植改土時前制  
府傅敏密摺奏稱鄰司田明如桀驁狙詐或恐各  
傷其類且雍正七年以前各土司以次歸流明如  
苟達時務自行歸誠改土必可仰邀

恩眷而負隅自固已經糾叅尙謀抗拒其身死不致戮妻

長樂縣志

卷之四

沿革志

六

子復獲安插猶幸耳

鶴峯州志按此與長陽縣志小異然鶴峯州志並紀上

諭且志創於改土時之知州毛峻德長陽縣志不  
過紀聞應以鶴峯州爲確並志之以見五峰水澁

石梁各司之改土查  
蓋爲容美田氏耳

聖武紀四川西陽土司冉元齡與湖廣容美土司田明  
如均以不法爲邊民所愬籲請改流西陽與容美  
恃遠自恣鄂爾泰奏請二土司暫改隸黔乘威招  
諭可不煩兵而服 詔湖廣四川督撫圖之於是  
湖南按察使王柔總兵劉策名赴苗疆宣諭寶靖  
桑植容美四大土司亦先後奏改郡縣惟容美稍  
用兵

按此與前說又小異或者鄂爾泰乘各土司改革之勢奏請並改容美邁制軍乃叅劾之耳

五峯安撫司 附石寶深溪長官

元

張友富世述錄稱其爲伊司之始祖元夏時爲容美之五峯石寶安撫湖北通志則以友富子再武爲之祖惟查張氏家乘則稱友富傳子仲山今依家乘叙之  
按元夏國號在宋南渡以前

世述錄與張氏家乘等志世次不應如此之太近惟查元順帝二十三年春正月明玉珍僭稱帝國號大

長樂縣志

卷之四

沿革志

七

夏改元天統五年子昇繼立至正二十八年卽洪武元年夏主不朝又屢寇興元明太祖始命湯和帥副將軍廖永忠周德興等以舟師由瞿塘趨重慶命傅友德帥副將軍顧時義以步騎由秦隴趨成都破之子昇遂降蜀地悉定今查五峯水瀘石梁各司舊治均與蜀近意者元末夏主所封之士司歟抑以平蜀功乃封土司如湖北通誌所云明初始置五峯水瀘石梁各長官之說與但元夏年號似當分作元末之

夏時看耳 又按明史洪武初西南諸崗皆附多因元官置宜慰安撫等官則五峯各司爲元夏長官可信

明

張仲山襲安撫職洪武六年因洞蠻向天富叛各土司皆降一級遂爲長官傳再武

張再武襲長官傳子永忠

張永忠張氏家乘稱爲永宗襲長官傳子昊

張昊襲長官扶容美土司庶長子百里俾爭襲容美嫡長子田世爵並殺之遠族張世瑛襲

張世瑛襲長官田世爵強橫棄舊居之北佳坪今在鶴

而買管長陽有糧之芝麻坪居焉卽今之縣署地也

傳子朋

張朋襲長官傳子廷玉

長樂縣志

卷之四

沿革志

八

張廷玉嘉靖間從容美田九霄奉調隨總督胡宗憲征倭有功受賞歸傳子彬

張彬襲長官傳子應龍

張應龍張彬子襲父職萬曆二十七年從征播州土司楊應龍獲其弟兆龍姪朝棟妾田鷗鳳有功加封武畧將軍復安撫使司官有子八人之綱之紀之翰之藩之宜之彩之儒等皆教以詩書子姪入長陽縣庠者十餘人傳子之綱

張之綱襲安撫職與弟兄輩皆好文立詩社會長宜枝松友朋相唱和人人皆有集今失之之綱嘗與椒



山安撫司劉宗邦扶田楚產爭襲容陽土司百折不回田楚產德之以其愛子田圭爲之婿後無嗣弟襲張之紀之綱弟襲安撫職傳子福謙

張福謙之紀子明季張獻忠擾亂時襲父職田舜年世述錄稱其於書無所不讀而不能致一字之用嘗被劉體純維繫其叔張之儒竭力贖回之初爲椒山安撫使劉起沛偕撫育備至復因兵燹投誠

本朝安插於宜都之十家嶺守家冲等地流離二十年繼總督蔡毓榮奏請飭各歸汛地卒於本縣白岩坪張彤越在途次襲旣而回任五峯衙署已被姚黃張獻忠所焚人民逃亡與其叔六謙整飭招徠遂復其舊六謙子彤弨襲

國朝

張彤弨襲安撫使司康熙甲寅年容美土司田舜年利其世爵舉兵擄之並其子宏道其叔祖嗣謙與叔彤廷及百姓人等入於伊司同水澁唐繼勛石梁唐公廉共滅之將嗣謙與彤廷禁錮於彭家灣後事容美又擄其外祖劉思遠與水澁唐世隆亦禁於彭家灣三十年以其三子田耀如曾爲張之綱偕使襲五峯安撫職以張六謙襲五峯所屬之石寶故長官張

連司事奉張氏祀又數年始送張氏未戮者回五峯  
唐世隆回水澣六謙卒因張彤胡彤連年少不以之  
襲而以六謙次子彤柱於雍正二年九月襲深溪石  
寶長官職於是五峯安撫司爲田氏襲矣 田耀如  
襲五峯安撫使職傳子召南 田召南襲五峯安撫  
使職

張彤柱襲長官職雍正十年因容美土司田明如肆  
行無忌湖廣總督邁柱劾其狂悖不法等事奉

旨令其來京訊問明如託詞支延十一年大府委員舉兵  
督催彤柱首先繳印臬司各土司亦皆繳印明如孤

長樂縣志

卷之四

沿革志

十

立遂自經於柘溪平山之萬全洞邁制軍奏擬以戮  
屍並戮其家屬蒙

憲皇帝厚恩特予寬免置其妻子於陝西置其黨羽□人於  
廣東且鬻其田產給以資斧十三年以張彤柱首倡  
大義功給千總俸以終其身於是遂以容美椒山土  
司地爲鶴峯州撥慈利石門二縣地以益之以五峯  
水澣石梁各司地爲長樂縣撥長陽石門等縣地以  
益之乃設流官改彝陵州爲宜昌府而屬之焉

石梁安撫司

附下洞平茶長官

元

唐元德世述錄稱黃冊內載爲伊司一世祖元夏間本爲石梁下洞長官非若五峯降職例也不詳其所自來傳子福光

唐福光襲長官職傳朝文

明

唐朝文襲長官職過志誤爲向朝文

唐永恭襲長官傳思顯

唐恩顯襲永恭職傳淵

唐淵襲傳世冠

唐世冠傳勝富

長樂縣志

卷之四

沿革志

十一

唐勝富傳唐正

世述錄作鎮

唐正襲值嘉靖中年會從田九霄隨胡宗憲征倭傳子本龍

唐本龍傳子宗堯

唐宗堯娶田九龍女九龍嫡長子宗愈早卒田宗元宗愷曾赴上台誣告田楚產非嫡長孫阻其襲容美職宗堯附和之故世述錄謂其昧於順逆之理萬曆四十八年卒傳子文選

唐文選傳承祖

唐承祖畧知書喜談諧好廣交賢士用武爲其所長

崇禎間李自成張獻忠寇起同容美土司田元從征助餉頻年勦賊護藩必環甲先登以功晉安撫使司嘗與添坪所爭邊仇殺不解其愛子唐居禮勇冠三軍竟爲仇殺後爲容美土司田沛霖所忌欲殺之其弟田甘霖力爭之遂以鐵鐐拘禁三載其子唐公廉竟棄之不問糾集人民逃遂憂憤以死子居仁襲

國朝

唐居仁與容美各土司田甘霖等投誠

本朝領印襲職田甘霖常困於賊中居仁獨先出以此爲所忌未與難而卒無子公廉襲

長樂縣志

卷之四

沿革志

十二

唐公廉居仁弟初襲下洞長官後襲安撫使司世述錄稱其爲人奸詭百出無一言可信與水瀝土司相助爲虐凡唐繼勳所爲皆其附合使之後爲容美土司田舜年所殺照五峯例以唐居仁之甥田焜如襲其職而以下洞平茶長官司唐公正奉其司祀於是石梁安撫使司又爲田氏襲矣 田慶年襲石梁安撫職旋以其子焜如襲 田焜如襲石梁安撫職唐公正襲下洞平茶長官職雍正間繳印與深溪石寶司同今其地皆歸長樂縣

水瀝安撫使司

附源通塔  
坪長官

元

唐賽龍世述錄稱黃冊內載爲其司一世祖受封與五峯各司異蓋其先爲施州所轄散毛宣慰司覃氏屬官後以相去較遠寫隔難治而容美之沙溪復附近散毛遂易之而隸於容美再查今大木嶺唐氏墓碑稱唐進寶明洪武間自四川重慶府巴縣大櫟樹遷居於大面水澗園落業後爲長官傳子海權與此小異

唐海權襲長官職傳子兵

唐兵襲長官職傳子思文

長樂縣志

卷之四

沿革志

十三

唐思文永樂四年長官

唐祖祿

唐應日

唐宗憲

唐鎮邦世述錄載其人虬髯虎視頗有雄畧與容美土司田沛霖意氣相投當闖獻賊氛滋擾之秋盡以邊方事委之鎮邦感其知遇凡勦賊出師惟其所任實有力焉嘗爲之修帥府於白溢大寨文相國安之彝陵人亦知其才而契之兩至其司又嘗舉兵數擾長陽邊界漢民患之後與田旣霖不合始立崖異卒

以好奇之誤納劉二虎營逃軍竟爲所刺而死

### 國朝

唐繼勳字左章鎮邦子鎮邦生子三長名世淳次卽繼勳初名世熙世淳爲賊所殺遺子元勳世熙謀奪嫡更名繼勳當其父兄殺於逆賊繼勳知其謀而不告容美田旣霖拘之訊問田甘霖以其司之應襲幼小無可任事者舉之遂命其四司署事苦於姚黃之侵削卽糾集人民出於宜都遂與唐公廉等反攻容美田旣霖將長邑一帶之軍殺其夫而鬻其妻子者不下萬餘人數百里人烟殆絕及田甘霖投誠

本朝請頒印信乃以唐遇隆襲塔坪長官以繼勳襲安撫又以女字其長子以結其心而繼勳每每舉劾田氏之過後歸汛地而釁稍息滇藩吳三桂之變與唐公廉繳印投於僞將軍劉之復麾下糾眾以攻容美田舜年領兵一千從後荒追擊之不一月而縛至容美田甘霖釋之而病危繼勳與唐公廉復約僞將軍夏原契者行牌勾取一面暗圖生刦田舜年復領兵同滅之初鎮邦長子世淳未襲職其人學能詩與田和霖糾義旅勦賊死其子名遇隆乃以襲塔坪長官奉唐氏祀其水瀝安撫使司亦如五峯與石梁爲

田氏襲矣 田圖南田舜年孫炳如子襲水濫安撫使司職

唐遇隆世淳子襲塔坪長官司職其三叔名官壽爲其祖鎮邦所殺有子名遇忠服役於容美容美土司田明如自縊五峯張土司繳印遇隆亦繳印而歸流焉

水濫東南別有副長官向家司名之韜者世派無所考其子向經世委靡無用人也隨唐繼勳等在外以洒爲命不知世間有忠孝事幸以病終遺二子皆不肖投入吳三桂僞將軍營爲軍軍敗帶入四川二子

皆死至今遺族多人猶有望鄉之怨云 世述錄

長茅司指揮使司張氏族譜稱其爲長陽地設指揮一員以彈壓土司者後爲田土司所并世述錄中無傳惟考其職官志載崇禎年間有加升有功人員指揮使頒降印信一顆當時爲覃光印所掌則長茅司應爲覃姓但其世次無考耳查湖北地輿志亦載其地今在長樂境內

下洞長官司世述錄載治在石梁三峯頭原係石梁子姪承襲後爲長官今在下洞坪

深溪長官司世述錄載在深溪楊柳洞原係五峯親

子弟承伊司後今在深溪河

南坡圓通寺旁有源通司今但傳其名

按喬氏竹枝詞註云五峯石寶深溪石梁下洞平  
茶水瀝源通塔坪有謂爲三司者明史湖北通志  
均著其長官名故楊升菴慎卽以爲六字地名之  
據然容陽世述錄繫五峯等於安撫繫深溪等於  
長官未嘗合而稱之也嘗訪水瀝源通塔坪是一  
是二分合之始末故老茫然終莫能詳至後始知  
有水瀝源在邑屬之大面保通塔坪在長鶴交界  
之百順橋二處相聯距水瀝司地甚遠是否爲水

瀝唐氏故封地殊難臆廣田舜年去源宇平字各  
以二字分繫不知何據獻不足徵詞亦弗確存疑  
而已不知世述錄與張氏家乘已明稱五峯司治  
在巴東施州衛交界之西南今鶴峯州所屬之北  
佳坪上所後塘坪清江崗一帶地方後張世瑛送  
與田氏自買長陽有糧之士名芝麻坪而唐氏墓  
誌稱伊祖自蜀遷居水瀝園水瀝與鶴峯地相近  
故與散毛司易之也後唐鎮邦乃買管長陽之唐  
家坪是水瀝園本爲唐氏舊封唐家坪爲遷徙地  
而仍其官名耳但以水瀝源興通塔坪爲二將以



五峯石與寶深溪等爲二不可解矣其合之爲一者舉三者而統之之義也其分之爲二者後人稱謂之訛也觀深溪下洞及夫源通各有司官並查鶴峯州志有石寶寨地名則每司各爲三處地名可以無疑矣

土司世爵蓋先世有功於國其食報爲最永也而或彼此侵吞以及子孫爭襲有土司之處皆然予觀五峯諸司傳知其祖宗功德流遺子孫振起者亦不乏矣而各分疆域實均隸容美土司之域聽其調遣有滋擾漢邊者有自相戕賊者有被容美

侵削者亦其風氣使然耳迨至容美强暴已極而大吏揭之或曰治大雄者山東人曾販馬於容美土司令女優演桃花扇曲本伊往看爲土司所辱後投充軍營遷官至彝陵鎮報復之但田明如曾爲通州州同豈不知

天朝之法讀

憲皇帝諭旨知其至 京必不至削之戮之也乃逗遛不決發兵督之五峯各司咸畏

天威不敢抗拒相率繳印而□明姐孤立乃自縊死遂至改土歸流嗚呼田氏奪五峯襲纔數年耳而終不

能久享天之罰惡豈爽也哉

盛朝寬大不戮其屍與家屬安置他所□□□□爲之資

斧給五峯張氏以俸

恩何渥也今土司苗裔俱各繁衍亦有受

朝廷之衣冠者讀

詔生感其効忠於我

朝者當何如耶

李煥春